




## ԾԱՅՐԱԳՈՅՆ ՎԱՐԴԱՊԵՏՈՒԹԵԱՆ ԱՍՏԻՃԱՆԻ ՏԸԻՉՈՒԹԻՒՆ



Ս. Էջմիածին իր այցելության ընթացքին Վահան Եպս. Յովհաննէսեան մասնակցեցաւ Ծայրագոյն Վարդապետութեան աստիճանի թեկնածուներու աւարտաճառերու քննութեան յանձնախումբի զանազան նիստերուն: Այս տարի իր աւարտաճառը յաջողութեամբ պաշտպանած էր Շահէ Վրդ. Անանեանը, որ իր ուսման տարիներուն ծառայած է Փրանսայի թեմին մէջ: Գլխաւոր քննիչն էր յանձնախումբի անդամ Վահան Սրբազանը: Աւարտաճառի պաշտպանութեան նիստի աւարտին, անդամներու միջեւ խորհրդակցութենէ ետք յանձնախումբը միաձայնութեամբ որոշեց ընդունիլ աւարտաճառը եւ խնդրեց Վեհափառ Հայրապետէն Հայր Շահէին շնորհել Ծայրագոյն Վարդապետի աստիճան: Վեհափառ Հայրապետը ընդունելէ ետք յանձնախումբի անդամները ուրախութեամբ լսեց անոնց զեկոյցը հինէն եկող այս գեղեցիկ աւանդութեան մասին եւ իր օրհնութիւնը տուաւ անոնց որոշումին: Ծաբաթ 20 Փետրուարին Վահան Սրբազան Ս. Մեսրոպ Մաշտոցի գերեզմանը պարփակող Օշականի հինաւուրց եկեղեցւոյ մէջ կատարեց Ծայրագոյն Վարդապետի աստիճանի տրւչութեան արարողութիւնը: Այս ուրախ առիթով կը շնորհաւորենք Հայր Շահէն եւ Ս. Էջմիածնի միաբանութիւնը:.

<https://www.youtube.com/watch?v=mX4YV5Remk4&feature=youtu.be>

## ԻՆՉՈՒՒ ԾԱՂԿԱԶԱՐԴԸ ԿԱՐԵՒՈՐ ՏՕՆ Է



Ս. Չատկուան նախորդ Կիրակին՝ Ծաղկազարդը կը նշուի որպէս Քրիստոսի մուտքը Երուսաղէմ, ուր ան ժողովուրդի եւ մանուկներու կողմէ ընդունուեցաւ իշխանութեան խորհրդանիշ արմաւենիի տերեւներով եւ խաղաղութեան խորհրդանիշ ձիթենիի ճիւղերով (Մատթ. 21:1-11): Բայց ինչու՞ այս աստուածաշնչական դէպքը կարելո՞ր է մեզի համար եւ անոր տօնը նշանակուած է Չատկուան նախորդող Կիրակին: Պատասխանը այն է որ իր ամբողջ քարոզութեան ընթացքին մեր Տէրը Յիսուս ճշմարտութիւնը ուսուցանեց եւ դատապարտեց բոլոր անոնք որոնք ճշմարտութիւնը կը շփոթէին իրենց շահերուն հետ: Ան սաստեց քահանաները, փարիսեցիներն ու տաճարի իշխանութիւնները իրենց կեղծաւորութեան համար, որոնք մէկ բան կը քարոզէին բայց ուրիշ բան կ'ընէին: Յիսուսի քարոզութիւնը ցոյց կու տար ապականած կրօնական դեկավարներու սուտը: Եւ անոնք որոշեցին սպաննել Յիսուսը: Այս պատճառով է որ Տէրը գիւղէ գիւղ այցելեց քարոզելու համար Աւետարանն ու ճշմարտութիւնը, նախքան որ անոնք կարենան զինք սպաննել: Յաջողած ըլլալով Աւետարանը քարոզել եւ աւարտել իր երկրաւոր առաքելութիւնը, Յիսուս կամովին քալեց դէպի Երուսաղէմ դիմակալելու համար ապականած իշխանութիւնները եւ սկսելու համար մեր փրկութեան վերջին հանգրուանը՝ իր գոհողութիւնը որպէս փրկագին մեր մեղքերու: Իր կամաւոր վերադարձը Երուսաղէմ կը ներկայանայ որպէս սկիզբը իր յայտարարութեան որպէս թագաւոր թագաւորաց, որու մահն ու յարութիւնը գնեցին իր ժողովուրդը եւ բերին յախտենականութեան յոյսը: Ահաւասիկ ինչու Ծաղկազարդի Կիրակին կարելո՞ր է մեզմէ իւրաքանչիւրիս եւ ամբողջ աշխարհին համար:

## ԱՂՕԹՔԻ ՄԻՋԱԶԳԱՅԻՆ ՕՐ – ԱԼՄԵԼՈ




Ուրբաթ 4 Մարտը աղօթքի միջազգային օր էր: Հաւատարիմ մնալով իր աւանդութեան, Ալմելոյի (Հոլանտա) Հայ Առաքելական Եկեղեցին իր դռները բացաւ այս միջազգային միջոցառման համար: Ամէն տարի Մարտի առաջին Ուրբաթը հարիւր հազարաւոր մարդիկ կը հաւաքուին միասնաբար աղօթելու համար ամբողջ աշխարհի մէջ: Այս տարի 173 երկիրներ մասնակցեցան աղօթքի միջազգային օրուան միջոցառումին: Ասիկա մեր եկեղեցւոյ եւ քրիստոնէական հաւատքին կու տայ միջազգային եւ միջեկեղեցական հանգամանք: 2016-ի արարողութիւնները ծրագրուած էին աղօթքի օրուան քուպական յանձնախումբի կողմէ: Ընտրուած նիւթն էր «Ընդունէ զիս որպէս մանուկ մը»: Ասիկա գեղեցիկ առիթ մըն էր մեզի համար նաեւ բանալու մեր եկեղեցին հոլանտացի քրիստոնէաներուն: Ծնորհակալութիւն կը յայտնենք Ալմելոյի մեր եկեղեցւոյ Ծիսական Խորհուրդին եւ անոր նախագահ Պրն. Օննիկ Կելիճիին այս միջոցառման յաւազոյնս կազմակերպման համար: Հոլանտայի Հայ Եկեղեցին հոգեւոր եւ վարչական իշխանութեան տակ կը գտնուի Արեւմտեան Եւրոպայի Հայրապետական Պատուիրակ Գերշ. Ս. Վահան Եպս. Յովհաննէսեանի: Սրբազան Հայրը Ալմելօ պիտի այցելէ 18-20 Մարտի շաբաթավերջին, Ծաղկազարդի առթիւ պատարագելու, Հոլանտայի հայկական կազմակերպութիւններու հետ հանդիպում ունենալու եւ ՀԲԸՄ-ի մօտ դասախօսութիւն մը կազմակերպելու համար:

## ՄՈՆԱՔՈՅԻ ՀԱՅԿԱԿԱՆ ՄԻՈՒԹԵԱՆ ԴԱՍԱԽՕՍՈՒԹԻՒՆԸ



Մոնաքոյի Հայկական Միութիւնը՝ Union des arméniens de Monaco հանդըն ունի տեղեկացնելու, որ կը կազմակերպէ դասախօսութիւն մը Հինգշաբթի 10 Մարտ 2016-ի ժամը 18:30-ին, Մոնթէ Բարոյի Auditorium Rainier III (Troparium)-ի մէջ: Կը դասախօսէ Դոկտ. Ժիլպէր Ֆառա (Gilbert FARRA), նիւթ ունենալով «Հայերը, գաղթականութիւն եւ սփիւռք»: Մուտքը ազատ է: Միութեան անդամները ուրախութեամբ կը սպասեն ձեզ: Այս ձեռնարկը առիթ մը պիտի ըլլայ հանդիպելու Մոնաքոյի եւ շրջակայքի բարեկամներու հետ: Դասախօսութեան վայրի ճիշդ դիմացը կը գտնուի կառատուն մը (Parking Louis II). Ա. Գիժի հանրակառքը կանգ կ'առնէ սրահին շատ մօտիկ: Մանրամասնութեանց համար՝ E-mail: [sergefermanian@gmail.com](mailto:sergefermanian@gmail.com). Tel. 93.303.10.96.

## ՆՈՐ ԳԻՐՔ ԵՒ ԴԱՍԱԽՕՍՈՒԹԻՒՆ ՎԱՀԱՆ ՍՐԲԱԶԱՆԻ ԿՈՂՄԷ



Վերջերս անգլերէնով նոր գիրք մը հրատարակուեցաւ Չուիցերիոյ Peter Lang International Academic Publishers-ի կողմէ, « The School of Antioch: Biblical Theology and the Church in Syria » (Անտիոքի Դպրոցը. Աստուածաշնչական Աստուածաբանութիւնը եւ Եկեղեցին Սուրիոյ Մէջ), հրատարակուած Վահան Եպս. Յովհաննէսեանի կողմէ: Գիրքը կը պարունակէ վերջին եզրակացութիւններն ու արդիւնքները համալսարանական ուսումնասիրութիւններու, կատարուած Արեւելեան Եկեղեցւոյ եւ Անտիոքի Դպրոցի Աստուածաշնչական մեկնաբանութեան եւ աստուածաբանութեան մասնագէտներու կողմէ: Այս հաւաքական աշխատանքը մեծապէս պիտի օգնէ կրօնք եւ աստուածաբանութիւն ուսումնասիրողներու, ինչպէս նաեւ անոնց որոնք կ'ուսումնասիրեն Աստուածաշունչի մեկնութիւնը, պարականոն գիրքերը, ուղղափառութիւնը եւ Արեւելեան Քրիստոնէութիւնը: Գրքի հրատարակութենէն զատ Վահան Սրբազան ներկայացուցած է յօդուած մը՝ «Ս. Եփրեմ Ասորիի մեկնաբանութիւնը Պօղոս Առաքեալի Կորնթացիներուն ուղղած Գ. Նամակի», որ կը քննէ Աստուածաշունչի հայերէն ձեռագիրները որոնք կը պարունակեն այս պարականոն նամակը եւ կը քննարկէ անոր աստուածաբանութիւնը: Գիրքը հրատարակուած է որպէս 6-րդ հատորը «Աստուածաշունչը Քրիստոնէայ Ուղղափառ Աւանդութեան մէջ» շարքի: Վահան Սրբազան հրաւիրուած է ներկայացնելու ականդմական դասախօսութիւն մը Օքսֆորտի մէջ կրօնական ուսումնասիրութիւններու համագումարի մը մէջ որ տեղի պիտի ունենայ 14-16 Մարտ 2016-ին: Վահան Սրբազանի դասախօսութեան նիւթը պիտի ըլլայ «Ինչու առաջին քրիստոնէաները մկրտութիւնը կը կատարէին իրենց մահացած ծնողներու անունով», մեկնաբանելով Ա. Կորնթ. 15:29 համարը՝ «Եթէ մեռելները բնաւ ալ յարութիւն պիտի չառնեն, հապա ի՞նչ է որ կ'ընեն անոնք՝ որ մեռելներուն փոխարէն կը մկրտուին. Ինչու՞ ուրեմն կը մկրտուին անոնց փոխարէն»: Սրբազանը պիտի ներկայացնէ գիտութեան կարելո՞ր եւ թանկագին նպաստները այս ուսումնասիրութիւններուն մէջ: Ան կը ներկայացնէ տրամաբանական բացատրութիւն մը առաքելական ուսուցման միջավայրին մէջ եւ ներդաշնակ է գաղափարող երկիրներու հետ, Առաքեալի փաստարկումը որ չի ժխտեր այն որ իր կողմէ նշուած է: Յաւելալ

որ արմատացած է իր մանրամասնութիւններու համար՝ <http://www.oxfordsymposiumonreligiousstudies.com>

## ԲԱՐԵԳՈՐԾԱԿԱՆ ԱՃՈՒՐԴ



Առաջնորդի Գրասենեակը ուրախութեամբ կը տեղեկացնէ որ բարեգործական աճուրդ մը տեղի պիտի ունենայ յառաջիկայ Յունիսին ի նպաստ Հայ Առաքելական Եկեղեցւոյ Փրանսայի Թեմին: Այս նպատակով նուէրներ պիտի հաւաքենք յաջողութեամբ պատկելու համար այս ծրագիրը: Եթէ ունիք առարկաներ, ինչպէս՝ գորգ, իւղանկար, ծաղկաման, գոհարեղէն եւայլն, կապ հաստատեցէք աճուրդի պատասխանատուին՝ Շուշան Դուրեանի հետ՝ 06 48 93 70 16 եւ կամ՝ [chouchdourian@hotmail.com](mailto:chouchdourian@hotmail.com) . Այս ձեռնարկի նպատակն է տնտեսական միջոցներ գոյացնել Առաջնորդի Գրասենեակին եւ Հայ Առաքելական Եկեղեցւոյ Փրանսայի Թեմին համար: Կանխայայտ շնորհակալութիւն բոլորիդ:

## ԿԱՐՃ ԼՈՒՐԵՐ...

- Կը ճանչնա՞ք բարեկամ մը կամ ձեր ընտանիքի անդամ մը որ կը փափաքի ստանալ մեր համացանցային լրատու թերթիկը: Եթէ այո՝ դրկեցէք իր համացանցային հասցէն եւ անունը [bureauduprimat@diocesearmenien.fr](mailto:bureauduprimat@diocesearmenien.fr) հասցէին:
- Առաջնորդ Սրբազանը կը փափաքի Թեմին համար անձնական օգնական մը ունենալ: Ենթական պէտք է տիրապետէ ֆրանսերէն խօսակցական եւ գրաւոր լեզուին եւ «word»-ին: Տրամադրելի պէտք է ըլլայ 2-3 ժամ Երկուշաբթիէն Ուրբաթ: Հետաքրքրուողները կրնան կապ պահել Առաջնորդի Գրասենեակին հետ [bureauduprimat@diocesearmenien.fr](mailto:bureauduprimat@diocesearmenien.fr).
- Սուրբ Գիրքի սերտողութիւն՝ չորեքշաբթի 9 Մարտ ժամը 20.00ին:

